

SECTION

4

ΜΕΛΑ ΜΟΟ ΒΕΔΥΑ  
ΖΟ ΒΕΚΕΛΕ ΝΖΕΜΑ  
ΑΝΕΞ ΝΕ ΛΑ



# ANƐƐ NEE YE GYIMALILƐ

## Mela mƆƆ bɛdua zo bɛkɛlɛ Nzema anɛɛ ne la

### MUKENYE

Ngyɛnu ɛhye ka mela mƆƆ bɛdua zo bɛkɛlɛ Nzema anɛɛ ne la anwo edwɛkɛ. Yɛbawowɔ adwenle wɔ mela mƆƆ bɛdua zo bɛfa duma, yɛkpɔkɛ, dumagya nee dumangilenu bedi gyima la anwo. Yɛbali moa yɛawowɔ adwenle wɔ mela mƆƆ fale duma gyimalilɛ nwo la anwo, akee yɛbanlea dumagya, dumangilenu, yɛkpɔkɛ nee yɛkpɔkɛngilenu. Ɛhye baboa amaa wɔanwu mela ne nee kɛ bɛsi bɛfa duma, dumagya, dumangilenu, yɛkpɔkɛ nee yɛkpɔkɛngilenu bedi gyima wɔ Nzema anɛɛ ne anu la. Ɛbahola wɔava mela ne mƆƆ wɔzukoa la wɔatoto anɛɛ le kɛ Nrelenza ɛdɛɛ ne anwo.

#### Ɛzukoalɛdɛɛ ngane ɛhye kaɔ awielɛ la ɛbahola;

1. Wɔalua mela fɔnwo ne azo wɔava duma nee dumagya wɔali gyima wɔ ɛdɛndɛmunli ɛhɛlɛ nu
2. Wɔalua mela fɔnwo ne azo wɔava dumangilenu wɔali gyima wɔ ɛdɛndɛmunli ɛhɛlɛ nu
3. Wɔalua mela fɔnwo ne azo wɔava yɛkpɔkɛ nee yɛkpɔkɛngilenu wɔali gyima wɔ ɛdɛndɛmunli ɛhɛlɛ nu

#### Adwenle Titili

- Duma di yevo, nyiavo, dievo yɛɛ ngilenu gyima, eza ɔle ɛdɛndɛsinli nu edwɛkɛkpɔkɛ titili.
- Dumagya noko di yevo, nyiavo anzɛɛ dievo gyima wɔ ɛdɛndɛmunli nu.
- Dumangilenu kile duma anu. Meke dɔnwo ne ala bɛta bɛtoa duma ne mƆƆ bɛkile nu la ndinli zo
- Yɛkpɔkɛ kile nyɛlɛɛ anzɛɛ gyinlabelɛ. Saa yɛkɛlɛ anɛɛ ne na duma nee yɛkpɔkɛ doa zo a, yɛngɛlɛ bɛ yɛmbɔ nu. Emomu, saa yɛkpɔkɛ doa dumagya a yɛkɛlɛ bɛ yɛbɔ nu.

- Yekpɔkɛngilenu kile yekpɔkɛ anu, eza ɔkola ɔkile yekpɔkɛngilenu gyene bie anu.

## NUNINYENE

### Duma

Yeli moa yewowɔ adwenle wɔ duma anwo. Yebobole duma ndonwo bie mɔ na yehilele duma ekpunli ngakyile mɔɔ ndonwo ne ko biala vea ɔ bo la.

*Ndwenlenwo edwekemiza:* Ebahola wɔahakye duma ekpunli ngakyile ne mɔ ɔ? Kɛlɛhɛlɛ bɛ.

Duma kile edwekekpɔkɛ mɔɔ yefa yefɛlɛ menli, nleka, nane nane nee ninyene la. Meke dɔɔnwo ne ala saa yeanyɛ fee a edendɛmunli da duma ko ali. Duma nee deeholekilevole ‘ne’ anzɛɛ ‘bie’ ta tu

### Dumagya

Dumagya le edwekekpɔkɛ mɔɔ yekola yefa yesie duma agyake anu a. Bie a le ehye mɔ; ye, ɔ, ɛ, wɔ, me, bɛ, yɛ nee mɔɔ eha la. Bɛkola bɛdi duma edendɛsinli gyima.

*Kakye ehye:* Wɔ Gana anɛɛ ne mɔ dɔɔnwo anu dumagya engile mrenyia anzɛɛ mraale. Asoo ehye le zɔ wɔ Nzema nu ɔ? ɛ nee ɛ gɔnwo ɛwowɔ adwenle wɔ nwo na beva bɛ nyelebenloa ne bɛmaa bɛ kilehilevole ne.

Wɔ ezukoalɛdeɛ ehye anu, yewowɔ adwenle wɔ mɛla mɔɔ fale duma nee dumagya gyimalile la anwo.

#### Gyima

Nea vidio ne na ɛ nee ɛ gɔnwo mɔ ezuzu nwole adwenle.

[function of nouns YouTube video - \(https://www.youtube.com/watch?v=rURutv7N\\_ns\)](https://www.youtube.com/watch?v=rURutv7N_ns)

Kɛkala, fa mɔɔ wɔnwo ye wɔ vidio ne anu la toto ehye anwo:

## Mela/Gyima

Duma mōo di yēvo gyima la

1. Mela mōo yēdua zo yēfa duma yēdi gyima wō ēdendēmunli nu la le ngakyile wō Gana anēe ko biala anu. Wō Nzema nu, duma di gyima kē:

- a. Yēvo wō ēdendēmunli nu

Duma mōo wō Gana anēe ne mō anu la ta di yēvo gyima anzēē gyinla yēvo gyinlabelē. Bēle edwēkēmgbōkē mōo bō ēdendēmunli bo wō anēe mōo dua Yēvo-Yēkpōkē-Nyiavo anzēē Dievo adenle zo wō ēdendēmunli ēhēlēle nu la.

*Ndonwo:*

- i. **Akosu** hōle asōne.
- ii. **Mbuluku** awolē yē se.
- iii. **Nrēlēbē** le ēbelabōlē nu kunimililē sanvē.

Wō anwuma ndonwo ne mō anu, yēnwu kē aluma **Akosu**, **mbuluku** nee **nrēlēbē** gyi yēvo gyinlabelē.

- b. Nyiavo anzēē Dievo wō ēdendēmunli nu

Duma noko kola di nyiavo anzēē dievo gyima wō ēdendēmunli nu.

*Ndonwo:*

- i. Yēdōlē **buluku** yēmaanle Ama.(Nyiavo)
- ii. Mēmaanle **Pita** pēne.(Dievo)
- iii. Kukua nwanle Hakim **ahyēlēdēē**.(Nyiavo)
- iv. Akuba dōlē ahyēlēdēē maanle **Hakim**.(Dievo)

- c. Duma noko kola di ngilenu gyima. Ehye le duma mōo kile duma gyene anu la. Saa aluma nwiō doa zo a, mōo li moa la ta di dumangilenu gyima yē ngilenu maa mōo doa ye la.

*Ndonwo:*

- i. **Wolōba** kyēnze ne wō Adu ēkē.
- ii. Bēdo **sukulu** alenkē ne anu.
- iii. Bēdōlē **nwoma** baage.



- d. Duma ɛdendɛsinli edwɛkɛkpɔkɛ titili: duma noko kola yɛ edwɛkɛkpɔkɛ titili ne mŏŏ wŏ duma ɛdendɛsinli nu la. Ndonwo:
- i. **Pɛne** awolɛ yɛ se.
  - ii. **Sua** fofolɛ ne anu le wuluwulu.
  - iii. Yɛwŏ **suanu**.
  - iv. **Sua** kpole bie bule ɛnɛ.

Kakye ɛhye: Mɛla mŏŏ wŏ kɛ bɛsi bɛfa dumagya bɛdi gyima wŏ ɛdendɛmunli nu wŏ Gana anɛɛ anɛɛ nu la le ngakyile.

2. Wŏ Nzema nu, dumagya di gyima kɛ:

- a. Yɛvo wŏ ɛdendɛmunli nu.

*Ndonwo:*

- i. **Mengolɛ** sukulu.
  - ii. **Yɛnea** sini kenle ko biala.
  - iii. **Bɛsele** mgbane mgbane.
- b. Dumagya noko di nyiavo anzɛɛ dievo gyima wŏ ɛdendɛmunli nu. Nea ndonwo ne mŏ mŏŏ wŏ aze ɛke la:
- i. Koasi nwunle yɛ. (Nyiavo)
  - ii. Aama vale pɛne maanle yɛ. (Dievo)
  - iii. Ama maanle yɛ pɛne.(Dievo)
  - iv. Kilehilevole ne maanle yɛ suanu gyima.(Nyiavo)
- c. Olɛ mɛla wŏ anɛɛ ne anu kɛ saa yɛkpɔkɛ bie doa dumagya bie ndinli zo a yɛkɛlɛ yɛbŏ nu.

### Gyima

1. Kile duma anu na maa nwolɛ ndonwo keyɛ bulu. Fa wŏ nyelebenloa ne to sukoavoma ne kŏsŏti anyunlu.
2. Wŏ bɛ ekpunli nwiŏ nwiŏ ne mŏ anu, bɛlɛhɛlɛ gyima mŏŏ duma di la anu nwiŏ. Bɛ nɛɛ ekpunli fofolɛ ɛbŏ nu na bɛwowŏ nwolɛ adwenle.
3. Kile dumagya anu na maa nwolɛ ndonwo keyɛ bulu. Fa wŏ nyelebenloa ne to sukoavoma ne kŏsŏti anyunlu.
  - a. Wŏ bɛ ekpunli ekpunli nu bɛgenga adawu ne mŏŏ wŏ aze ɛke la na bɛhile aluma nɛɛ dumagya mŏŏ wŏ nu la.

- b. BĒva aluma ne mŌ mŌŌ bĒhile la bĒhĒle ɛdendɛmunli mŌnwo nnu. BĒziezie bĒ nwo kĒ bĒ nee sukoavoma mŌŌ ɛha la bawowŌ adwenle wŌ bĒ nyelebenloa ne mŌ anwo.
- c. BĒva dumagya ne mŌ mŌŌ bĒhile la bĒhĒle ɛdendɛmunli nsa. BĒziezie bĒ nwo kĒ bĒ nee sukoavoma mŌŌ ɛha la bawowŌ adwenle wŌ bĒ nyelebenloa ne mŌ anwo.

## Ndwea

Ndwea le nyɛmoa mŌŌ awie biala ze bĒ kĒ bele abebe wŌ aleɛabo ɛleka biala a. BĒgua ye ngakyile dŌŌnwo mŌŌ bĒ subane, kĒ besɪ bedɛ yɛɛ bĒ nwo sŌhovolɛ noko le ngakyile a. Bele nyɛmoa mŌŌ le agyake nna mŌŌ bewo a bɛmaa bĒ mra nyɛfonle na bĒvi bedi mŌŌ wŌ kpŏkemile nu la abusua nu a. MŌŌ alimoama ne mŌ ziele bedi kĒ bĒfa bĒali bŏle la, bĒzukoale sonla benwunle ye na bĒhwenle bĒbikyele menli. BĒbŏ mŏdenle kpale wŌ menli nganeɛdele le kĒ ɛhulole, basabasayɛle nee ɛzulole nwo na beda nwolɛ subane mŌŌ feta la ali bĒkile menli. Ndwea le debie nvoanledele subane titili bie. Eza bĒ nzo ye gyima kpale na bĒkola bĒte alɛra dodo biala. MŌŌ maa ndwea anwo ba nvasŏe kpale la a le kĒ, ɛbahola wŌanyene ye wŌamaa yeali gyima ngakyile. Ndwea mŌŌ sonle la kola boa anyeziliravolɛma dahuu, yɛɛ ndwea mŌŌ te gyinlabele mŌŌ sonla wŌ nu la nganeɛ la kyekye sonla rɛle. Eza bĒfa bĒkpondɛ na bĒkile nvoanle mŌŌ anloa wŌ aze na milahyinli engola engile la. ŌwŌ nu kĒ ndwea di gyima ngelema wŌ ndenle dŌŌnwo azo boa menli, noko akee bĒ ngoane meke wŌ azɛle ye azo le sikale keyɛ ɛvole 10-15. ɛye bole mŌŌ bĒsonle wŌ ɛzonlenle nu a, benwu ndwea dŌŌnwo ne ala kĒ bele alŏvole mŌŌ boka mbusua nwo wŌ ewiade ɛleka biala a.

### Gyima

1. Kile gyima mŌŌ edwɛkɛmgbŏke mŌŌ bĒpepe bĒ bo la di la. Fa wŌ nyelebenloa ne toto ɛ gŏnwo mŌ ɛdeɛ nwo.
  - a. Sukoavoma ne mŌŌ ze nwoma la dule adenle anoma.
  - b. Menwanle Eden ezukoa.
  - c. Kilehilevole ne hĒlele taboabile fofolɛ ne azo.
  - d. BĒhŏle Navologo.
  - e. Adenduvo ne dŏle kpanwo maanle ye.

## MOBŌNU KPUYIA

1. Fa ε ti anwo edwĕkĕmgbŏkĕ kilehile duma mŏŏ di ngilenu gyima la anu. Maa ndonwo nwiŏ na fa kile ε gŏnwo
2. Wŏ kilehilevolĕ ne bava adawu bie mŏŏ nvonlĕε wŏ nu la amaa wŏ. Kenga adawu ne na kilehile nuhua nvonlĕε ne mŏ.
3. Wowŏ adwenle wŏ kĕ dumagya si di gyima kĕ nyiavo nee dievo la anwo. Fa toto anĕĕ ngakyile mŏŏ εbazukoa anzĕĕ εze la anwo.
4. Maa ndonwo nnu mŏŏ kile kĕ duma εlĕdi εdendĕsinli nu edwĕkĕkpŏkĕ titili gyima la. Ε nee sukoavoma ne amuala εwowŏ nwolĕ adwenle.
5. Wŏ bĕ ekpunli nwiŏ nwiŏ ne mŏ anu, bĕhĕlĕ εdendĕmunli bulu mŏŏ dumagya mŏŏ wŏ ko biala anu la εlĕdi yĕvo gyima la na bĕwowŏ adwenle bĕhile saa bĕhĕlĕ bĕ nee yĕkpŏkĕ ne bĕbŏ nu a. Bĕva bĕtoto Gana anĕĕ ngakyile ne mŏ anwo na bĕ nee sukoavoma ne mŏ amuala εwowŏ nwolĕ adwenle.

## EXTENDED READING

1. Fromkin, V. & Rodman, R. & Hyams, N. (2007) Introduction to Language. (Eighth edition) Thomson Wadsworth.
2. Click on the link below for a video on noun functions in English grammar.
3. [Noun Functions in English Grammar with Examples](#)



## NUNINYƐNE

Bezukoa dumangilenu anwo debie dɛba. Wɔ bɛ ekpunli ne mɔ anu beva dumangilenu mɔɔ bebava beaha ninyene ehye mɔ anwo edweke la behele edendemunli nsa.

- a. Wɔ sukulu suanu
- b. Ɛ gɔnwo kpale
- c. Wɔ sukulu alie ne anwo
- d. Wɔ abusua

*Dumangilenu* a le edwekekpɔke mɔɔ kile дума nu anzɛɛ ka edweke fale subane mɔɔ wɔ deɛ bie anwo la. Yɛfa dumangilenu yɛkile subane mɔɔ awie anzɛɛ deɛ bie le anzɛɛ ɔmaa yɛfa deɛ bie subane yetoto fofole nwo.

*Ndonwo:*

- a. Kodwo kulo azua *deba*.
- b. Kakula nrenyia ne le *tendenle edenra*.
- c. Aku ze *nwoma tɛla* ɔ diema nrenyia ne.

Wɔ (a) anu, edwekekpɔke *deba* ɛlekile sua hole mɔɔ Kodwo kulo la. Wɔ (b) anu, edwekemgbɔke *tendenle* nee edenra kile ke yesi yenwu kakula nrenyia ne enyele zo la. Noko wɔ (c) ne anu, edwekemgbɔke *nwoma tɛla* ɛɛfa kesi Aku ze nwoma la atoto ɔ diema nrenyia ne edɛɛ ne anwo.

## Mɛla/gyima mɔɔ dumangilenu di la

Mɛla mɔɔ yɛdua zo yɛfa dumangilenu yɛdi gyima wɔ edendemunli nu la le ngakyile wɔ Gana anɛɛ ko biala anu.

**Wɔ Nzema nu, dumangilenu di gyima kɛ:**

1. Ɔkile дума mɔɔ wɔ edendemunli nu la anu. Ndonwo:
  - a. Ɛkpɔnwo *bile* ne nriandi ndende tɛla mgbɔnwo ehendɛɛ ne mɔ
  - b. Menwunle sua *bedevinli*.
2. Bɛta betoa дума ne mɔɔ bɛɛka nwoɛ edweke la ndinli zo. Ndonwo:
  - a. Sua *bile* ne ɛbu.
  - b. Raale *belane* bie eho suanu.

Bɛzukoa dumangilenu ekpunli ngakyile ne mŏ dɛba. Ndonwo bie mŏ mŏŏ boka nwo la a wŏ aze ɛke la:

Fɔɔnwohilelɛ dumangilenu anwo ndonwo wŏ ɛdendɛmunli nu

- a. Kale *ɛhye* le fofolɛ.
- b. Sua *ɛhendɛɛ* le me ze ɛdɛɛ.

Ndotonwo dumangilenu anwo ndonwo wŏ ɛdendɛmunli nu

- a. Aleɛ ɛhye *bolɛ ɛnye* se fee.
- b. Wŏ ezukoa ne le *ɛkyi tɛla* me dɛɛ ne.

Dodohilelɛ dumangilenu anwo ndonwo wŏ ɛdendɛmunli nu.

- a. Mendɔle awule *bie*.
- b. Mbuluku *dɔɔnwo* wŏ me ɛlɛka ne anu.

Subanehilelɛ dumangilenu anwo ndonwo wŏ ɛdendɛmunli nu.

- a. Kale ne le *dɛba*.
- b. Aleɛ ne le *kɛlɛma*.

## Gyima 1

1. Fa dumangilenu bulu ne mŏ mŏŏ gua ɔ bo ɛke la kɛlɛ ɛdendɛmunli. Saa ɛbahola a bŏ mɔdenle kɛlɛ ɛdendɛmunli mŏnwo anzɛɛ kpomgbondee.
  - a. nwanwane
  - b. koonwu
  - c. ɛya
  - d. tete
  - e. bedevinli
  - f. kpale
  - g. wienyi
  - h. kɛlɛma
  - i. dɛba
  - j. ɛsesebɛ

Akee bɛ nee bɛ gŏnwo mŏ ɛnlea bɛ ndonwo ne mŏ ngyehyɛlɛɛ ne. Duzu a ɛnwu ye a? Bɛziezie bɛ nwo kɛ bebava bɛado sukoavoma mŏŏ ɛha la amuala anyunlu.

## Gyima 2

1. Maa dumangilenu anwo ndonwo bulu.
2. Fa dumangilenu ndonwo ne anu nnu kɛɛ ɛdɛdɛmunli ngakyile ɛhye mɔ.
  - a. Ɛdɛdɛmunli sikale
  - b. Ɛdɛdɛmunli mɔnwo
  - c. Ɛdɛdɛmunli kpomgbondee
3. Dua ɛdɛdɛmunli ndonwo ne mɔ wɔhɛɛ la azo na wowɔ adwenle wɔ mɛla mɔ fale dumangilenu gyimalile nwo la anwo.

## MOBONU KPUYIA

1. Kenga adawu ehye na kilehile dumangilenu moo wo nu la.

*Menli dɔɔnwo ne ala akee anye elɛba be nwo zo wo ye nyeele moo elɛsekye ye nyambɔyia ne la. Ɔwo ke nyambɔyia anwobanebɔle ye debie titili moo gyi ye kɔsɔɔti ye nye zo a. Noko akee menli ekyi bie ala a le ke besi bebɔ nyambɔyia anwo bane kpale la adwenle ekyi a. Ye anyefuu subane ne mo a elɛko zo amaa ye nyambɔyia ne azɛkye kenle ko biala a. Ndonwo a le ninyene moo anwo engyia nee ewula mgbane mgbane eguale, wolɔba basabasa eguale nee moo bokeboka nwo la. Saa yeanzi subane etane ehye mo adenle a, meke bie elɛba moo ɔwo ke ye awole ndoɔdozo ne kotia ngyegyele moo ye anyefuu ebela ne keva kera la. Zɔhane a, enee ɔhyia esesebe ke me nee wo keye moo yekɛhola biala la yekɛbɔ ye nyambɔyia ne anwo bane. Ɔle ye gyima titili ke yekɛva ngyehyelele fɔɔnwo yekɛgua adenle zo yekɛbɔ azɛle ye moo Nyamenle eva ehye ye la anwo bane. Ngyegyele moo ye subane moo yeda be ali wo ye nyambɔyia ne anwo fa ba la a le azuyile ndoɔdozo, ye aleɛ eluale moo ye guabele wo aze ebuhenle meke la nee moo bokeboka nwo la*

2. Fa dumangilenu ne mo moo wɔhile la kele edendɛmunli kpomgbondee bulu.

## EXTENDED READING

Adomako, K., Odoom, J. and Sackitey, M. (2023). *Akan kasa nhyehyɛɛ wɔ Asante Twi mu*. Adonai Publications Limited (Topic on verbs, nouns and adjectives)

Amegashie, S.K. (2004). *Evegbe ɲɲlɔ*. Aflao: Victus Printing Services, Market Square

Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)

Joshi, M. (2021). *Nouns in the English Language: Types and examples*. Manik Joshi. (Topic on nouns)

Thakur, D. (1998). *Linguistics simplified: Syntax*. Delhi: Bharati Bhawan. (open word class which are nouns adjectives, verbs and adverbs)

## NUNINYƐNE

Saa yefa yekpƆke nee yekpƆkengilenu yeali gyima wƆ edendemunli ehelele nu wƆ Gana anee anee ne mƆ anu a ƆwƆ ke yenya mela bie mƆ. Mela ehye mƆ boa maa ye ngelehele ne mƆ anye da eke na Ɔmaa yeto nrelalee mƆƆ feta la yemaa kengavole ne. Yefa anee mƆƆ yekelƐ la anu mela ne mƆ yedi gyima a Ɔboa Ɔmaa yenya edendemunli mƆƆ ndelebebo wƆ nu la.

## YekpƆke

Kolaa na yeaha mela ne mƆ anwo edweke la, maa yehakye mƆƆ yezukoa yeva yekpƆke anwo la. Nea ndonwo ne mƆ mƆƆ wƆ aze eke la. EdwekemgbƆke ne mƆ mƆƆ beha nuhua la biala le yekpƆke.

1. Eyazonlenli ne **so** eya ne eyazonle elobo biala.
2. Ngakula ne mƆ **ko** sukulu Yale biala.
3. Yewuluwlu nwonlomo biala yefa yekpundikpundi ye agbƆke nu.

YekpƆke a le edwekekpƆke anzee edendesinli mƆƆ yefa yeda nyeele, gyinlabelƐ anzee nzidweke ali la. YekpƆke boka edendemunli nu ngilenukpƆke edwekekpƆke titili ne anwo. Yekile a yekpƆke a le ngilenukpƆke nu edwekekpƆke titili ne a.

## Mela mƆƆ wƆ yekpƆke gyimalile nwo wƆ edendemunli nu la

Mela mƆƆ yedua zo yefa yekpƆke yedi gyima wƆ edendemunli nu la le ngakyile wƆ Gana anee ko biala anu. WƆ Nzema nu, mela ne mƆ bie ene:

1. YekpƆke ne kile nyeele mƆƆ yevo ne da ye ali wƆ edendemunli nu la.
  - a. Twea ne **kpo** alenke ne anyunlu dahuu.
 

Eke, yekpƆke **kpo** ne kile mƆƆ yevo ne mƆƆ le ‘Twea ne’ la ye wƆ alenke ne anyunlu la.
  - b. Sukoavoma ne **ka** baseke ko sukulu nwonlomo biala.
 

YekpƆke ‘ka’ kile yevo ‘Sukoavoma ne’ nyeele mƆƆ beye la.
2. YekpƆke kile gyinlabelƐ mƆƆ yevo ne wƆ nu wƆ edendemunli nu la.

### *Ndonwo:*

Kodwo anye **liele** wƆ sonea ne anzi.



Wɔ eke, yekpɔke ‘liele’ maa yenwu gyinlabelɛ mɔɔ yɛvo ne ‘Kodwo’ hɔle nu wɔ sɔnea ne anzi la.

3. Yekpɔke a le ngilenukpɔke nu edwekɛkpɔke titili ne a. Ndonwo:

a. Kale ne nriandi molozo.

Yekpɔke ‘nriandi’ a le titili wɔ ngilenukpɔke ‘nriandi molozo’ anu a.

b. Sukoavoma ne **ka** baseke kɔ sukulu nwonlomɔ biala.

Wɔ eke noko, yekpɔke ‘ka’ a le titili wɔ ngilenukpɔke ‘ka baseke kɔ sukulu nwonlomɔ biala’ anu a.

4. Mɛke biala mɔɔ yekpɔke bie kedoa dumagya ndinli zo la, yekɛɛ be yɛbɔ nu. Ndonwo

a. **Bɛsa** nzule wɔ bula ne anu.

Wɔ eke, ‘Bɛ’ le dumagya yɛɛ ‘sa’ le yekpɔke, ehye ati a bɛhɛɛ be bɛbɔ nu la.

b. **Yɛdɔle** abɔnkye anoma.

Wɔ eke noko, ‘Yɛ’ le dumagya yɛɛ ‘dɔle’ le yekpɔke.

### Gyima 1

Fa ɛ ti anwo edwekɛmgbɔke kilehile edwekpɔke yekpɔke anu. Maa yekpɔke anwo ndonwo bulu.

### Gyima 2

Fa ndonwo ne mɔ mɔɔ wɔhɛɛ wɔ (Gyima 1) ne anu la kɛɛhɛɛ ɛdɛndɛmunli ehye mɔ ko biala anwo ndonwo nnu.

- a. ɛdɛndɛmunli sikalɛ
- b. ɛdɛndɛmunli mɔnwo
- c. ɛdɛndɛmunli kpomgbondee

### Gyima 3

1. Benlea yekpɔke ne mɔ mɔɔ gua ɔ bo eke la. Bɛva bɛhɛɛ ɛdɛndɛmunli. Saa bɛbahola a bɛbɔ mɔdenle bɛhɛɛ ɛdɛndɛmunli mɔnwo anzɛɛ

kpomgbondee. Ndonwo ne mō amuala wō kēkalahilelē yēkpōkē nu-bēbahola bēahakyi bē ōlua yēvo holē mōŋ bēbava bēali gyima la.

- a. tia
- b. soa
- c. kulo
- d. bō
- e. yē
- f. kpali
- g. sukōa
- h. kyi
- i. nwu
- i. die

Akēē bē nēē bē gōnwō ēnlēa bē ndonwo ne mō ngyehyēlēē nē. Asoo bē ndonwo ne nēē mēla nē mōŋ bēzukōa wō ēzukōalēdēē ēhyē anu la lē kō ō? Bēzieziē bē nwo kē bēbava mōŋ bēnwu yē la bēado sukōavoma mōŋ ēha la amuala anyunlu.

#### Gyima 4

- a. Kilehile yēkpōkē ekpunli ngakyile nē mō mōŋ yēzukōa bē dēba la anu.
- b. Maa kō biala anwo ndonwo nnu na fa kō biala abo ndonwo kō kēlē ēdendēmunli.

Wō bē ekpunli nē mō anu bēhile mēla mōŋ wōkē yēsi yēfa yēkpōkē yēdi gyima wō ēdendēmunli nu la anu. Ndonwo:

- a. Saa dumagya ēlēdi yēvo gyima a.
- b. Saa dumagya ēlēdi nyiavo anzēē dievo gyima a.

## Yēkpōkēngilenu

Kēkala a yēnlēa mēla mōŋ wō kēsi yēfa yēkpōkē yēdi gyima wō ēdendēmunli ēhēlēlē nu a. Akēē maa yēnlēa mēla mōŋ wō kēsi yēkpōkēngilenu di gyima wō ēdendēmunli nu la.

Ēkakyē dēē holē mōŋ yēkpōkēngilenu lē la ō?

Yekpokengilenu a le edwɛkɛkpɔkɛ anzɛɛ ɛdendɛsinli mɔɔ kile yekpɔkɛ anzɛɛ yekpokengilenu fofolɛ bie anu la. Okile ɛleka, mekɛ, deɛmɔti beyɛ nyɛlɛɛ bie la. Yekpokengilenu ndonwo bie mɔ

mɔɔ bɛva bɛli gyima wɔ ɛdendɛmnuli ɛhye mɔ anu la:

1. Bɛrale **ɛke**.(ɛleka)
2. Yɛdwule **nwonlomɔ dɔne nsuu**.
3. Bɔlobɔlɛ eku ne lile nwɔhoɔ ne **anyeliele nu**.

Yekpokengilenu mɔɔ wɔ anwuma ɛdendɛmunli ne mɔ anu la a le; **ɛke, nwonlomɔ dɔne nsuu** nee **anyeliele nu**.

## Mela/gyima

Mela mɔɔ yɛdua zo yɛfa yekpokengilenu yɛdi gyima wɔ ɛdendɛmunli nu la le ngakyile wɔ Gana anɛɛ ko biala anu.

Wɔ Nzema nu, mela ne mɔ bie ɛne:

1. Yekpokengilenu a le yekpokengilenu ɛdendɛsinli nu edwɛkɛkpɔkɛ titili ne a.  
*Ndonwo:*
  - a. Mrenyia ne mɔ dendɛle **mgbolɛ kpalɛ**.
  - b. Yɛkile ne rale awieleɛ **arɛlevilɛ nu**.

Yekpokengilenu **mgbolɛ kpalɛ** nee **arɛlevilɛ nu** le yekpokengilenu ɛdendɛsinli yɛɛ **mgbolɛ** nee **arɛlevilɛ** le ɛdendɛsinli ne mɔ edwɛkɛkpɔkɛ titili ne.

2. Bɛkile yekpokengilenu fofolɛ nu.

*Ndonwo:*

- a. Bɛze bɔlo bɔ **kɛlɛma kpalɛ**.
- b. Sukoavoma ne bɔle bɛ nwo mɔdenle **kpole somaa**.

Wɔ ɛdendɛmunli ne mɔɔ wɔ anwuma la anu, yekpokengilenu **kpalɛ** ɛlɛkile **kɛlɛma** anu yɛɛ **somaa** ɛlɛkile yekpokengilenu **kpole** anu.

### Gyima 1

- a. Wɔ bɛ ekpunli ne mɔ anu, bɛhile edwɛkɛkpɔkɛ yekpokengilenu anu na bɛva bɛ nyɛlɛbɛnloɔ ɛdɛɛ ne bɛdo ekpunli fofolɛ ɛdɛɛ nwo.

- b. Maa yĕkpĕkengilenu anwo ndonwo bulu.

## Gyima 2

Fa ndonwo ne mŏ mŏŏ wŏmaa wŏ (b) la kĕle ɛdendɛmunli nnu wŏ ɛdendɛmunli ehye anu ko biala abo.

- a. sikale
- b. mŏnwo
- c. kpomgbondee

## Gyima 3

1. Benlea yĕkpĕkengilenu ne mŏ mŏŏ gua ō bo ɛke la. Bɛva behɛle ɛdendɛmunli. Saa bebahola a bebŏ mŏdenle behɛle ɛdendɛmunli mŏnwo anzɛɛ kpomgbondee.

- a. mgbole kpale
- b. ɛnɛ
- c. ɛke
- d. kɛlɛma kpale
- e. ndɛndɛ kpale
- f. ehyema
- g. alienwo
- h. meke dŏnwo
- i. ndoŏdoazo
- i. kekala

Akee bɛ nee bɛ gŏnwo ɛnlea bɛ ndonwo ne mŏ ngyehyɛlɛ ne. Asoo bɛ ndonwo ne nee mɛla ne mŏŏ bezukoa wŏ ɛzukoaledɛ ehye anu la le ko ō? Beziezie bɛ nwo kɛ bebava mŏŏ bɛnwu ye la bɛado sukoavoma mŏŏ eha la amuala anyunlu.

## MOBŌNU KPUYIA

1. Kenga adawu ehye boe na kile **yekpōke** nee **yekpōkengilenu** biala mōō wō nu la.

Befa be gyima ne beara awielee ndende zo la, bevedele be nye benleanle nuhua kpale bokoo, amaa beanwu ke debie biala deda ye adenle nu foonwo. Akee bevale akenezile be nee be gyima ne hole oluake beze ye wienyi ke beye gyima kpale. Kilehilevole ne nyianle abotane nleanle nu boe, na obole o ti aze ohilele ke gyima ne so enyee bokoo. Sukoavoma ne vale dule be nwo ke beye mōō hyia la bewie amgba.

2. Dua mela foonwo ne mōō wozukoa la azo fa **yekpōke** nee **yekpōkengilenu** ne mōō wōnwu be wō adawu ne anu la kelehele edendemunli nnu.

## EXTENDED READING

1. Owu-Ewie C. (2020). *Mfantse kasa ngyegyee na kasa mbra ho adzesua buukuu ma nsowdo skuul esuafo*. Shine Prints Company Limited.
2. Ago, S.A. (1992). *Agoo*. Ghana Publishing Company.
3. Amartey A.A. (1966). *Omanye aba*. Bureau of Ghana Languages.

## REFERENCES

1. Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4
2. Lier, E. V. (2024). *The Oxford handbook of word classes (oxford handbook)*. Oxford University Press.
3. Miguel, J., M. G. (2015). *Transitivity and word classes*. <https://doi.org/10.1075/ivitra.9.13gar>
4. Prempeh, A. A. (2021). *Asante Twi Nyansapɔ*. Premesco Publications.
5. Simone, R. & Masini, F. (eds). (2014). *Word classes (Current issues in linguistic theory)*. John Benjamins Publishing Company.



# ACKNOWLEDGEMENTS



Ghana Education  
Service (GES)

